

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-11026/23
Sarajevo, 15.6.2023. godine

Na osnovu člana člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14 i 59/22) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022.godine, a na preporuku Komisije za javnu nabavku radova, Općinski načelnik donosi

ODLUKU

Izvođenje radova na uređenju šetališta i trga Bulevar branilaca Dobrinje sa pratećim saobraćajnicama i parking prostorima – faza pješačka zona

I

Prihvata se preporuka Komisije za javnu nabavku radova i okvirni sporazum u postupku javne nabavke – Izvođenje radova na uređenju šetališta i trga Bulevar branilaca Dobrinje sa pratećim saobraćajnicama i parking prostorima – faza pješačka zona, broj obavještenja 422-1-3-111-3-102/23, objavljeno na Portalu javnih nabavki dana 09.5.2023. godine i “Službenom glasniku BiH- Oglasnik javne nabavke”, br.33/23, dodjeljuje se grupi ponuđača „Ses“ d.o.o. Sarajevo i „Ame“ d.o.o. Breza sa ponudom u iznosu od 187.649,52 KM bez PDV-a, odnosno 219.549,94 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj Odlukom broj 02/12-19-11026/23 od 08.5.2023.godine Općina Novi Grad Sarajevo pokrenula je otvoreni postupak javne nabavke - Izvođenje radova na uređenju šetališta i trga Bulevar branilaca Dobrinje sa pratećim saobraćajnicama i parking prostorima – faza pješačka zona, broj obavještenja 422 1 3 111 3 102/23, objavljeno na Portalu javnih nabavki dana 09.5.2023. godine i “Službenom glasniku BiH- Oglasnik javne nabavke”, br.33/23.

Zapisnikom o otvaranju ponuda od 01.6.2023. godine Komisija je konstatovala su u predviđenom roku, u propisno upakovanim kovertama, pristigle dvije (2) ponude ponuđača:

1. grupa ponuđača „Ses“ d.o.o. Sarajevo i „Ame“ d.o.o. Breza
2. grupa ponuđača “Dema&S” d.o.o. Mostar i “Demus” d.o.o. Sarajevo

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle dvije ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da grupa ponuđača "Dema&S" d.o.o. Mostar i "Demus" d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 3.4.1.e) - tehnička i profesionalna sposobnost – dokaz o obezbijeđenosti opreme i mehanizacije neophodne za obavljanje predmetnih radova. Kao dokaz dostavlja se izvod iz knjige osnovnih sredstava (sa označenom pozicijom tražene opreme) ili ugovor o iznajmljivanju opreme, za kamione se dostavlja ovjerena kopija važeće saobraćajne dozvole a za radne mašine ovjerena kopija važeće saobraćajne ili upotrebne dozvole. Uvidom u dostavljenu ponudu Komisija je utvrdila da je ponuđač dostavio Sporazum o najmu opreme za kamion i rovokopač, dok je za auto korpu za radove na visini dostavio ovjerenu kopiju važeće saobraćajne dozvole na strani 95.ponude ali nije dostavljen Izvod iz knjige osnovnih sredstava sa označenom pozicijom tražene opreme kako je traženo navedenom tačkom tenderske dokumentacije.

Nadalje vršeći analizu dostavljene ponude Komisija je utvrdila da ponuđena cijena za okvirni sporazum iznosi 225.148,83 KM sa PDV-om, te je dostavljena ponuda grupe ponuđača "Dema&S" d.o.o. Mostar i "Demus" d.o.o. Sarajevo u iznosu od 5.148,83 KM veća od iznosa određenog u Odluci o pokretanju postupka javne nabavke (gdje procjenjena vrijednost predmetne nabavke iznosi 220.000,00 KM sa PDV-om). Shodno navedenom dostavljena ponuda je neprihvatljiva, a što je i u skladu sa savjetodavnim mišljenjem Agencije za javne nabavke BiH. Predmetnim mišljenjem je navedeno da *u otvorenom postupku javne nabavke i konkurentskom zahtjevu za dostavu ponuda neprihvatljivost ponude se cijeni u toku postupka, a u slučaju da je predviđena e-aukcija, neprihvatljivost se cijeni prije zakazivanja e-aukcije.*

Iz naprijed navedenih razloga utvrđeno je da je ponuda grupe ponuđača "Dema&S" d.o.o. Mostar i "Demus" d.o.o. Sarajevo neprihvatljiva u skladu sa članom 2. stav (1) tačka l) Zakona o javnim nabavkama BiH i da ne ispunjava uslove tražene u tenderskoj dokumentaciji iz tačke 3.4.1. (e) – tehnička i profesionalna sposobnost te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je pristupila je analizi i procjeni dokumentacije preostale ponude te konstatovala da dostavljena ponuda grupe ponuđača „Ses“ d.o.o. Sarajevo i „Ame“ d.o.o. Breza ispunjava formalno-pravne i kvalifikacione uslove tražene u tenderskoj dokumentaciji. Komisija je izvršila računsku kontrolu ponude te utvrdila da je ista računski ispravna.

Shodno naprijed navedenom Komisija je donijela preporuku za zaključenje okvirnog sporazuma za predmetnu nabavku sa grupom ponuđača „Ses“ d.o.o. Sarajevo i „Ame“ d.o.o. Breza.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za rmatranje žalbi BiH putem ugovornog organa u roku od 10 (deset) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar Komisije

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova

